

REES, SARAH JANE ('Cranogwen'; 1839 - 1916), ysgolfeistres, bardd, golygydd, a sefydlydd 'Merched y De'

Enw: Sarah Jane Rees

Ffugenw: Cranogwen

Dyddiad geni: 1839

Dyddiad marw: 1916

Partner: Jane Thomas

Rhiant: Frances Rees

Rhiant: John Rees

Rhyw: Benyw

Galwedigaeth: ysgolfeistres, bardd, golygydd, a sefydlydd 'Merched y De'

Maes gweithgaredd: Addysg; Eisteddfod; Llenyddiaeth ac Ysgrifennu; Dyngarwch; Barddoniaeth; Argraffu a Chyhoeddi; Crefydd

Awdur: William Llewelyn Davies

Ganwyd 9 Ionawr 1839 yn Llangrannog, Sir Aberteifi, merch capten llong. Cafodd ei haddysg i gychwyn mewn ysgol yn Llangrannog a gedwid gan un Hugh Davies, a ddysgodd iddi elfennau morwriaeth ac ychydig Ladin. Bu hefyd mewn ysgolion yn Aberteifi, Ceinewydd, Lerpwl, ac yn Llundain, lle yr aeth i ddysgu morwriaeth, pwnc y bu hi yn ei ddysgu, ynghyd â mathemateg, mewn ysgol yn Llangrannog a agorodd hi ei hun ac a fynychid gan wyr y môr, etc. Yr oedd yn un o hyrwyddwyr cyntaf dysgu system y tonic-solffa a daeth yn un o arholwyr lleol y Tonic Sol-fa College. Dechreuodd bregethu hefyd a bu'n darlithio llawer.

Enillodd y wobr am gân ar y testun, 'Y Fodrwy Briodasol,' yn eisteddfod genedlaethol Aberystwyth, 1865, gan guro 'Islwyn' a 'Ceiriog' yn y gystadleuaeth honno. Bu'n gydfuddugol yn eisteddfod genedlaethol y flwyddyn ganlynol ac enillodd y gadair mewn eisteddfod yn Aberaeron. Golygodd gylchgrawn i ferched, *Y Frythones*, 1878-91. Yn 1901 cychwynnodd y mudiad a elwir 'Undeb Dirwestol Merched y De.'

Bu farw 27 Mehefin 1916. Coffeir ei gwaith gan 'Ysgoloriaeth Cranogwen' yng Ngholeg y Brifysgol, Aberystwyth.

Nodyn golygyddol 2020:

Bu Cranogwen yn cyd-fyw am ugain mlynedd olaf ei hoes gyda'i chymar, Jane Thomas, yn Llangrannog.

Awdur

Syr William Llewelyn Davies, (1887 - 1952)

Ffynonellau

Sarah Jane Rees, *Caniadau Cranogwen* (Dolgellau 1870)

Sarah Rowlands, NLW MS 2142D: Cranogwen

David Glanaman Jones, *Cofiant Cranogwen* (Caernarfon 1932)

Darllen Pellach

Beryl H. Griffiths, *Mamwlad* (Gwasg Carreg Gwalch Llanrwst 2016), tt.59-85

Death of *Caranogwen*, *The Carmarthen Journal and South Wales Weekly Advertiser* , 30 June 1916, t.5

Cranogwen - menyw o flaen ei hamser, gwefan Ysgol Penboyr

Elen Haf Jones, *Bywyd a gwaith Cranogwen: O forwr i fardd, a llawer mwy ..*, blog Llyfrgell Genedlaethol Cymru, 15 Mawrth 2019

Jane Aaron, *Cranogwen* (Caerdydd 2023)

Erthygl Wicipedia: Sarah Jane Rees (Cranogwen)

Delweddau

John Thomas, Sarah Jane Rees, 'Cranogwen'

LIGC: Cranogwen

Dolenni Ychwanegol

Archifau LIGC: NLW ex 2935: Cerddi i Maggie Eurona gan Cranogwen, [1905]

VIAF: 13694235

Wikidata: Q7422438

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

Priffrannu

Arddull APA

x

Davies, W. Ll., (1953). REES, SARAH JANE ('Cranogwen'; 1839 - 1916), ysgolfeistres, bardd, golygydd, a sefydlydd 'Merched y De'. *Y Bywgraffiadur Cymreig*. Adferwyd 20 Awst 2024, o <https://bywgraffiadur.cymru/article/c-REES-JAN-1839>

Priffrannu

Preifatrwydd a Chwcis
Hawlfraint
Y Prosiect
Cymorth
Cysylltu

LIGC
NLW

LLYFRGELL
THE NATION



Wedi'i parhau gan
Llywodraeth Cymru
Supported by
Welsh Government